

Huw Irranca-Davies AS/MS  
Ysgrifennydd y Cabinet dros Newid Hinsawdd a Materion  
Gwledig  
Cabinet Secretary for Climate Change & Rural Affairs



Llywodraeth Cymru  
Welsh Government

Eich cyf/Your ref P-06-1417  
Ein cyf/Our ref HIDCC/05058/24

Jack Sargeant MS  
Chair - Petitions committee  
Senedd Cymru

15 Ebrill 2024

Annwyl Jack,

Diolch am eich llythyr dyddiedig 18 Mawrth ynghylch deiseb P-06-1417 mewn perthynas â gwahardd siopau rhag gwerthu tân gwyllt.

Ers i ni gyhoeddi ein Cynllun Gweithredu Sŵn a Seinwedd cyntaf i Gymru yn 2018, mae sŵn tân gwyllt wedi cael ei godi nifer o weithiau gan ddinasyddion. Mae deisebau wedi cael eu hystyried yn Nhŷ'r Cyffredin ac yn y Senedd gyda deddfwriaeth newydd yn cael ei phasio gan Lywodraeth yr Alban. Mae'r [Cynllun Gweithredu Sŵn a Seinluniau diweddaraf 2023-2028](#) yn nodi ein polisi ar dân gwyllt.

Nid yw Llywodraeth Cymru yn credu bod y ddeddfwriaeth bresennol yng Nghymru a Lloegr yn ddigonol i ddiogelu pobl agored i niwed ac anifeiliaid rhag effeithiau sŵn tân gwyllt. Mae Gweinidogion Cymru wedi annog Llywodraeth y DU droeon i dderbyn argymhellid Pwyllgor Deisebau Tŷ'r Cyffredin y dylid pennu terfyn desibelau is dichonadwy a fyddai'n lleihau'r risg sy'n gysylltiedig â sŵn tân gwyllt.

Mae rheoleiddio gwerthu a chyflenwi nwyddau a gwasanaethau i ddefnyddwyr yn fater a gadwyd yn ôl o dan Atodlen 7A i Ddeddf Llywodraeth Cymru 2006. Mae pwerau deddfu dan Ddeddf Tân Gwyllt 2003 yn nwylo'r Ysgrifennydd Gwladol mewn perthynas â Chymru a Lloegr. Felly, ni all Gweinidogion Cymru gyflwyno rheoliadau yng Nghymru sy'n gyson â'r rhai a wnaed gan Lywodraeth yr Alban yn 2021, a dynhaodd yr amodau ar gyfer gwerthu a defnyddio tân gwyllt yn yr Alban.

O ystyried pa mor agos yw ardaloedd mwyaf poblog Cymru at siopau yn Lloegr, a pha mor hawdd yw siopa ar-lein, byddai Llywodraeth Cymru yn croesawu camau gweithredu ar y cyd ledled Prydain Fawr er mwyn sicrhau bod tân gwyllt sydd ar gael i'w gwerthu i'r cyhoedd yn dawelach ac y byddant yn cael eu defnyddio ar adegau mwy rhagweladwy o'r flwyddyn yn y dyfodol.

Canolfan Cyswllt Cyntaf / First Point of Contact Centre:  
0300 0604400

Bae Caerdydd • Cardiff Bay  
Caerdydd • Cardiff  
CF99 1SN


[Gohebiaeth.Huw.Irranca-Davies@llyw.cymru](mailto:Gohebiaeth.Huw.Irranca-Davies@llyw.cymru)  
[Correspondence.Huw.Irranca-Davies@gov.wales](mailto:Correspondence.Huw.Irranca-Davies@gov.wales)

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Bydd Llywodraeth Cymru yn parhau i weithio'n adeiladol gyda Llywodraeth y DU i wella'r cyfreithiau sy'n llywodraethu gwerthu a defnyddio tân gwylt yng Nghymru a Lloegr.

Yn gywir

A handwritten signature in black ink, consisting of several fluid, overlapping loops and strokes, positioned above the printed name.

**Huw Irranca-Davies AS/MS**

Ysgrifennydd y Cabinet dros Newid Hinsawdd a Materion Gwledig  
Cabinet Secretary for Climate Change & Rural Affairs